



DEMOKRAATIT
DEMOKRATERNE

UPA/FM 2017/33

Mala H. Kuko

Illoqarfiup najugaqarfigisap avataanut peqqissariartorluni nakorsiartup toqukkut qimagunerani illoqarfigisaanut angerlaannerani ilaqutaasut atuligaannik qanoq iliorluni oqilisaas-qarsinnaanersoq pillugu apeqquteqaat aallaavigalugu Inatsisartut oqallinnisaannik siunnersuut.

(Inatsisartunut ilaasortaq Vivian Motzfeldt, Siumut)

ATASSUT-minngaaniit Demokraatiniillu oqallinnissamut siunnersuuteqartoq Vivian Motzfeldt, Siumut qutsavigaarput. Imaattumillu oqaaseqarfigissavarput.

Kalaallit Nunatsinni ukiuni siulliunerusuni nappaatit assigiinngitsut inuiaqatigiit atugarisarsimavaat. Naappaatit massakut qujanartumik atersinikuuvaat, aammalu amerlanerpaartaat nakorsarneqarsinnaasunngorsimapput. Kisiannili ajoraluartumik suli ullutsinni nappaassuit ilaat nakorsaatikkut akiorneqarsinnaanngillat. Tassanilu nalunngilluagarput nunatsinnilu ajoraluartumik atugaasorujussuaq krafti ilaavoq. Qujanaqaarlu nakorsaatiniik misissuijuartut suli pimoorussilluarlutik ujartuipput nappaassuup katsorsarsinnaanissaa anguniarlugu.

Nunatsinninngaaniit qallunaat nunaannut nakorsartikkiartorlutik aallartartut ilannguit peqqissinngitsoorlutik ajoraluartumik toqukkut qimaguttarput. Taamaalisoqaraangat allatut ajornartumik nunatsinnut timaa/arsaaluunnii nassiunneqartarpoq ilineqartussatut. Tamannalu aningaasanik naleqartarpoq. Taamaammat ATASSUT-miit demokraatiniillu oqallissaarisoq Vivian Motzfeldt isumaqatigilluinnarparput inuiaqatigiit toqusoqartillugu arsartuinissaq eqqarsaatigalugu aningaasatigut artukkerneqartarnerat qaangissagutsigu oqallinnissaq pisariaqarpoq.

Uani ilumoorpoq Kalaallit Nunatsinni timmisartut umiarsuit innuttaasuusugut piginneqataaffigaarput. Arlaatigut ujjartorneqarsinnaagaluarpoq akikinnerusumik akiliisinnaanissaq tamannarpiaq pillugu. Naalakkersuisut pisussaaffilerneqarsinnaasariaqarsorinarput tamanna pillugu ujjartuisinnaanissaannik. Taamatut oqareerluta aamma uagut aamma innuttaasuusugut arlaatigut sillimaniarnermik livforsikrinngimiluunniit qaammarsaavigineqarnissarput pingaartillugu aamma eqqartorneqartariaqarsorivarput.

Taammatut oqaaseqarluta ATASSUT-miit Demokraatiniillu oqallittuartoqarnissaanik kissaassivugut.

Qujanaq.